

ժամանակի Հայք մատուցին յատենն թագաւորութեանս
 մերոյ զհրովարտակա՛ զոր ունէին յազազս վանաց իւրեանց ,
 որք էին՝ 1° հրովարտակ 'ի Մէլիք Աչրաֆէ , որոյ խմատն
 է . « Ազգն Հայոց բնակեալ 'ի վանս Ս . Յակոբայ , յայտ
 արարին մեզ զնեղութիւնս և զվնասս իւրեանց , զոր կրե-
 ցին յերեսաց ազգին Վրաց . և մեք զրեցաք զհրովարտակս ,
 զի մի նեղեացեն զնոսս . գրեցու 'ի թուին ԼԼ* (1477) :
 2° հրովարտակ յաւուրց անտի Մէլիք Չահր Պերգուգոյ ,
 յորում վկայէ նոյնպէս ինքն թագաւորն : 3° հրովարտակ
 Ղալաուների որդի Մէլիք Նասրէն . գրեալ 'ի թուին ՎՄԶ
 (1329) : 4° հրովարտակ 'ի Սալէհ Նասրէն՝ գրեալ 'ի թուին
 ՎԼԾ (1315) : 5° հրովարտակ 'ի Մէլիք Չահր Չագմագէն .
 գրեալ 'ի թուին ԼԾ* (1446) : Նոյնպէս նամակ 'ի կուսա-
 կալէն , և և դատաստանադիր քառակուսի 'ի դատարանէ ,
 յորս բացայայտ գրեալ և ծանուցեալ են , թէ վանք Ս . Յա-
 կոբայ՝ է սեփհականութիւն ազգին Հայոց » :

Յայնժամ հարցին և ցղեսպանն , թէ ունի՞ն ինքեանք
 և ևս գիրս ինչ վանս այսր , և տպատասխանի և ասէ՛ ևս ոչ
 ունիմ ընդիս մուրհակս ինչ կամ գիրս , և ոչ գիտեմ թէ
 ունի՞ թագաւորն մեր : Ապա խոստովան եղև յատենի անդ
 թէ Հայք տիրեալ են և տիրեն մինչեւ ցայսօր ժամանակի
 վանաց Ս . Յակոբայ :

Այսօրիկ դատաստանք մինչև ցայս վայր զոր գրեցաք ,
 բովանդակեալ էր 'ի միւսմ հրովարտակի , թէ պէտ 'ի վեր-
 ջոյ՝ տողս ինչ մաշեալ :

Եւայի Արք եպիսկոպոս կամ Պատրիարք աթուոյն Ե-
 բուսաղէմի , առ սա գրեաց պապն Հռոմայ Եւզինէոս 4°
 Թուղթ , և ընդ նմին առաքեաց զթուղթս առ կոստանդին
 կաթողիկոսն Հայոց . փութով հասուցանել առ նա , յորում
 հրաւրէր զնոյն ինքն զկաթողիկոսն ընդ այլոց հայրապե-
 տաց փութալ գալ 'ի ժողովն Փլորէնտիոյ : Իսկ Եւայի Պատ-
 րիարք առաքեաց զայն թուղթ 'ի կիլիկեայ 'ի ձեռն Սար-
 կաւազին իւրոյ որ կոչէր Աբաղմենհ : և ապա գրեաց առ
 Եւզինէոս , թէ առաքեցի զնամակն ձեր . Հ . Մ . Չաֆէան .
 Հար . Գ . Նրէս 474 . (1439) :

Վանս այսր ժողովոյ այսպէս պատմէ Արարացի Յոյն
 պատմիչն . « Մարկոս եպիսկոպոս փոխանորդ Պատրիարքին